

ՀԱՄԱԶԳԱՅԻՆ ՄԵԾ ՏՕՆԸ

— 0 —

ԻՆՉ ԵՆ ՄՏԱՆՈՒՄ ՀԱՅ ԿԱԹՈՒԻԿ-
ՆԵՐԸ

Կարս, 6 օգոստոսի

Թէև մի անգամ «Հորիզոնի» միջոցով դիմում եղաւ ընդհանուր Ռուսաստանի հայ-կաթոլիկներին կատալաւրիչ հայր Ս. Վ. Տէր-Սարգսեանին, որ բոլոր թեմերը հրահանգներ ուղարկէ, որպէսզի հայ կաթոլիկներն ևս պատւաստեն ըստ պատշաճի դիմաւորելու համազգային մեծ տօնին, բայց մինչև օրս այդ դիմումը, ինչպէս երևում է, մնացել է ձայն բարբառոյ յանապատիւ Լատ երևոյթին ոչ մի կարգադրութիւն չի եղել, գոնէ ոչ մի պատրաստութեան նշան չի երևում կաթոլիկութեան մէջ. միայն սրտի հաճոյքով կարդացինք «Հորիզոնում», որ Արղահանի կաթոլիկները, միացած լուսաւորչականութեան հետ, պատրաստել են տօնելու տառերի 1,500 և տպագրութեան 400 ամեակը: Մխիթարական է, որ վերջապէս գոնէ մի փոքրիկ գիւղաքաղաքում կաթոլիկ հայերը արձագանք տւին, բայց զրանով գործը վերջացած չպէտք է համարել. հայ տառերի և հայ տպագրութեան տօնը մի հազարգիւտ տօն է, և սրբազան պարտք կայ համայն հայութեան վրայ, առանց դաւանանքի խտրութեան, տօնելու և ցոյց տալու, որ մենք երախտազէտ ենք: Համազգային մեծ տօնը ընդհանուր Ռուսաստանի հայ կաթոլիկներին կողմից տօնել կամ չտօնելը կախած է հոգևոր կառավարչից, և մենք նորից նրան ենք դիմում: Ամօթ է, որ այսպիսի համազգային մի-մեծ տօնի հանդէպ հայ կաթոլիկութիւնը մեկուսացած մնայ:

Ռուբէն

ՎԵՐՉԱՊԷՍ ՏՕՆԵՑԻՆՔ

Դեբեճնդ, 9 օգոստոսի

Հայկական տառերի գիւտի 1500

ամեայ և տպագրութեան 400 ամեայ յօրեկանը տօնեց Դերբէնդում ամսիս 8 ին հասարակական ժողովարանի դաճիճում ձեռնբրէցութեամբ մի խումբ երիտասարդների:

Երեկոյթի գրականական և գեղարւեստական մասերի համար ընտրւած յանձնաժողովը, որը բաղկացած էր 10 հոգուց, ոչ մի ջանք չէր խնայել ծրագիրը ճոխ կազմելու: Ինչ խօսք, որ թղթի վրայ կարելի է շարել շատ բան, բայց եկէք տեսէք, թէ ինչպէ՞ փառաւոր կերպով նահատակեցին մեր նշանաւոր գրողների բանաստեղծութիւնները՝ Արուսեան, Պեշիքթաշլեան, Թումանեան, Իսահակեան, Նալբանդեան և Ահարոնեան խաղալիք էին դարձել մի քանի անշնորհք ընթերցողների ձեռքում: Զանձարալի էին մանաւանդ սեփերատները. կարծում ենք, շարականներ լսելու ոչ մի արամագրութիւն չուներ ներկայ եղող հասարակութիւնը: Մի բան, որ աչքի ընկաւ և չափազանց յուզիչ տպաւորութիւն թողեց, այդ Ահարոնեանի «Մայրն» էր, որ արտասանեց օրիորդ Անահիտ Տէր-Յովակիմեան: Վատ չէր նա՛, օրիորդ Օհանեանի արտասանած «Գարունը» Պեշիքթաշլեանի:

Երրորդ բաժինը ներկայացում էր. խաղացին Արարեսեանի «Շփոթւած ծառայ» վողբիլը: Պաղի մասին այսքանը կասենք, որ եթէ հեղինակը մի րոպէ ենթադրէր, թէ Դերբէնդում այդպէս կը խաղացել, անշուշտ իր զբրւածքը կը վերնադրէր «Շփոթւած» գերակատարները:

Երեկոյթի IV բաժնի համար ծրագրւած կենդանի պատկերները չկային:

Ընդհանուր մուտք եղաւ 380 բ., ելք՝ մօտ 100 բ.: Զուտ արդիւնքը, մօտաւորապէս 280 բ., յատկացեց զպրոցական ֆոնդին:

Բ. Ասրեան